



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LEKHAYA (HL)

IPHEPHA LESITHATHU (P3)

MRHAYILI/MGWENGWENI 2025

UMHLAHLANDLELA WOKUTSHWAYA

IMITLOMELO: 100

Umhlahlandlela wokutshwaya lo unamakhasi ali-14.

ISIGABA A: AMATHEKSTHI WOKUZITLAMELA (AMA-ESEYI)**UMBUZO 1****TJHEJA:**

- Kiwo woke amatheksthi yelela inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.
- Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambelana nesihloko.

1.1 Ngathaba khulu nangizwa bona indaba le iliqiniso

TJHEJA: I-eseyi le kungenzeka kube ngecocako/ngeveza imizwa bucoca.

Nakhu okuqakathekileko nakutshwaywa le-eseyi:

- Le yi-eseyi lapho umtlozi adamba ngento ethileko eyenzeke kuye, akhe ayibona yenzeka komunye nofana acocelwa ngayo. Kuyenzeka kokhunye umtlozi atlole i-eseyi ayisusele ehloko.
- Ohlolwako ulindeleke bona acoce ngethabethe abanalo nakezwa bona indaba leyo akusimamala kodwana iliqiniso.
- Ohlolwako kulindeleke bona acoce bekahlathulule bona ngiyiphi indaba ayizwako nabegade angayikholwa kodwana ekugcineni wathola bona mbala injalo indaba le.
- Ohlolwako kulindeleke bona atlole indaba ibe sesikhathini esidlulileko beyikholwakale nanyana kungeyokuzitlamelela.
- Yamukela i-eseyi eveza amaphuzu abhamba nofana afihlakeleko ngesihlokweni.

[50]**1.2 Abonobangela abenza bona ilutjha lizinikele eendakamizweni**

TJHEJA: I-eseyi le kungenzeka kube ngehlathululako/ngecocako.

Nakhu okuqakathekileko nakutshwaywa le-eseyi:

- Le yi-eseyi lapho umtlozi afuze anabe khudlwana, acoce ngalokho acabanga bona kungaba bonobangela bokusetjenziwa/ngunobangela wokusetjenziwa kweendakamizwa lilutjha.
- Kufanele ohlolwako asebenzise amagama azokubeka tihatjhalazi nofana azokubeka kukhanye bha bona kubayini acabanga bona lokho akubalako mbala kubonobangela abenza/kungunobangela owenza ilutjha ligcine sele lizinikele eendakamizweni.
- Ohlolwako kulindeleke bona atlole indaba ibe sesikhathini sanje beyikholwakale nanyana kungeyokuzitlamelela.
- Yamukela i-eseyi eveza amaphuzu abhamba nofana afihlakeleko ngesihlokweni.

[50]

1.3 Indlela angayo ingenza ngimthande bengifise ukufana naye**TJHEJA: I-eseyi le kungenzeka kube ngehlathululako/ngecocako.****Nakhu okuqakathekileko nakutshwaywa le-eseyi:**

- Le yi-eseyi lapho umtlozi afuze anabe khudlwana, acoce ngezenzo nofana ngendlela umuntu akhuluma ngaye aziphatha ngayo nangendlela enza izinto ngayo nekwenza bona amkarekele abe afise ukufana naye.
- Kufanele ohlolwako asebenzise amagama azokubeka tjhatjhalazi nofana azokubeka kukhanye bha koke okwenziwa mumuntu loyo nekwenza bona amthande bekafise ukufana naye.
- Ohlolwako kulindeleke bona atlole indaba ibe sesikhathini esifaneleko, kuye ngokobana ohlolwako utlole ngesikhathi sanje nofana esadlulako kodwana indabakhe ikholwakale nanyana kungeyokuzitlamela.
- Yamukela i-eseyi eveza amaphuzu abhamba nofana aphi lakeleko ngesihlokwesi.

[50]**1.4 Nginje namhlanje kungebanga lindlela engakhula ngiziphethe ngayo.****TJHEJA: I-eseyi le kungenzeka ibe ngeveza imizwa/ngehlathululako.****Nakhu okuqakathekileko nakutshwaywa le-eseyi:**

- Ohlolwako akaveze imizwakhe nokuthatheka kwehliziyo ngendlela akhula aziphatha ngayo nangendlela esele aphila ngayo namhlanjisi.
- Ohlolwako akaveze bekhathulule indlela agade aziphethe ngayo nakasakhulako nebenomthelela omkhulu epilweni ayiphilako namhlanjisi.
- Ihlangothi elikhulu le-eseyi le akube ngelithathululako ukobana indlela egade aziphethe ngayo nakasakhulako ibe nomthelela onjani epilwenakhe yagadesi.
- Kilesisihloko silindele ukubona umfundi akhuluma ngaso aveza izehlakalo ezibhamba ezingabangezihle nofana ezimbi nezenze bona abe ngilokhu angikho namhlanjisi.

[50]**1.5 Kumnandi ukuba lizibulo/umntwana wokuthoma ekhaya kodwana kubuye kube neentjhijilo oqalana nazo****TJHEJA: Le yi-eseyi emahlangothimabili/ehlangothilinye.****Nakhu okuqakathekileko nakutshwaywa le-eseyi:**

- Ohlolwako kulindeleke bona aveze tjhatjhalazi imithelela emihle nemimbi/emihle nofana emimbi ngokuba lizibulo/umntwana wokuthoma ekhaya.
- Okuqakathekileko nge-eseyi le kukobana ohlolwako kulindeleke bona azwakale anikela amaphuzu ngehlangothi alikhethileko nofana anikele amaphuzu ngamahlangothi womabili, okungaba ngelihle nofana elimbi ngokuba lizibulo/umntwana wokuthoma ekhaya.
- Yamukela ihlathululo ebhamba nefihlakeleko ngesihlokwesi.

[50]

- 1.6 **ISewula Afrika ingaba yinarha enganabulelesi nange kungavuleka amathuba wemisebenzi. Vumelana nofana uphikisane nesitatimendesi.**

TJHEJA: I-eseyi ehlangothilinye.

Nakhu okuqakathekileko nakutshwaywa le-eseyi:

- Ohlolwako kulindeleke bona athome ngokobana akhethe ihlangothi azokutlola ngalo, aveze iinzathu zokobana kubayini avumelana nofana aphikisana nesitatimende.
- Ohlolwako kulindeleke bona aveze imiphumela emihle engalethwa kuvuleka kwamathuba wemisebenzi ebantwini beSewula Afrika nokungacina sele kwehlisa izinga lobulelesi enarheni le nofana aveze iintjhihilo ezingathuwelelisa ubulelesi obukhona njenganje enarheni le.
- Kuqakathekile bona ohlolwako anikele amaphuzu asekela imibonwakhe lokha nakavumelana nofana aphikisana nesitatimendesi kufikela ekupheleni kwendabakhe.

[50]

- 1.7
- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
 - Kuqakathekile bona ohlolwako aqinisekise bonyana indabakhe nesithombe ziyakhambelana.
 - Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

[50]

- 1.8
- Ohlolwako angakhetha nanyana ngimuphi umhlobo we-eseyi afuna ukutlola ngawo. Kungaba yi-eseyi ecocako, ehlathululako, eveza imizwa, emahlangothimabili nofana ehlangothilinye.
 - Kuqakathekile bona ohlolwako aqinisekise bonyana indabakhe nesithombe ziyakhambelana.
 - Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

[50]

IMITLOMELO YESIGABA A:

50

ISIGABA B: AMATHEKSTHI WOKUTHINTANA**UMBUZO 2****2.1 INCWADI YOBUNGANI**

Nakhu okuqakathekileko nakutshwaywa incwadi yobungani:

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele nofana lingatlolwa ngeenomboro isib: KuJanabari/KuTjhirhweni ingasi ngesiNgisi. Tjheja: Isiphande, isilotjhiso nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Isilotjhiso asiphakamise ibizo lomuntu omtlolelako. Isib. Jabulile, Mma, Baba; njll.
- Esingenisweni akuvele umnqopho wokutlola incwadi leyo ngobufitjhani.
- Isingeniso singaba mumutjho munye kufika kemithathu ubunengi. Akucocwa iindaba ezinengi.
- Ohlolwako akahlathulule khudlwana emzimbeni amaphuzu akhambisana nomnqopho awuveze esingenisweni.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolelweko azi kuhle bonyana utlolelwe ngubani. Isibongo akufuneki ukobana usitlole ngombana niyazana ninomuntu omtloleleko.

[25]**2.2 INCWADI EYA KUMHLELI WEMAGAZINI**

Nakhu okuqakathekileko nakutshwaywa incwadi eya kuMhleli:

- Iba neemphande ezimbili, ezitlolwa ngokujayelekileko. Isiphande sotlolelwako asibi nelanga/idadamu ekutlolwe ngalo incwadi. Tjheja: iimphande, isilotjhiso, isihloko nesiphetho azingabalwa lokha nakubalwa inani lamagama.
- Itlolelwa umuntu othileko onesikhundla esithileko. Ngelokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili.
- Iba nesilotjhiso esingaphakamisi ibizo lomuntu otlolelwako kodwana kutlolwa bona Nomzana, Kosikazi nofana Kosazana.
- Isihloko salokho otlola ngakho sitlolwa ngamagabhadlhela nofana sitlolwe ngamagama amancani bese siyathalelwa.
- Esingenisweni kufanele kutlolwe umnqopho/isizathu sokutlola incwadi leyo njengombana unjalo ephepheni lemibuzo.
- Emzimbeni silindele umfundi akhalime isenzwesi bekanabe ngelokho okungenziwa bafundi ngejinifomabo nasele baqedile ukutlola isifundo sabo sokugcina sokuphela komnyaka ukukhandela ukoniwa kwayo.
-

- Iba nesilayeliso. Kulindeleke bona asebenzise amagama afana nanaka: Ngiyokuthokoza, Ngizokuthaba, Kuzongithabisa.
- Iba nesiphetho esiveza bona ibuya kubani. Otlolako kulindeleke bona atlole amagamakhe nofana iinthomo zamagamakhe nesibongo sakhe bese uyayitlikitla. Kulindeleke bona bengubo baveze bona bendile/batjhadile nofana awa ngokutlola Mm. nofana Kkz./Ksz. ngemva kokutlikitla incwadi leyo. Lokhu kwenzelwa ukobana loyo otlolelwako azi kuhle bona utlolelwe ngubani.

[25]**2.3****I-INTHAVYU****Nakhu okuqakathekileko nakutshwaywa i-inthavyu:**

- Iba nesakhiwo esifana nesomdlalo.
- Iba nesingeniso, umzimba nesiphetho. Esingenisweni kulapho kwethulwa khona indaba ekuzokukhulunywa ngayo, indawo lapha kwenzakalela khona i-inthavyu le, isikhathi sokwenzeka kwayo namagama wabantu abakhulumako.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziwa. Akutlolwa litho ngaphasi kwamagama walabo abakhulumako.
- Kutlolwa ikholoni emva kwamagama wabantu abakhulumako.
- Ukukhethwa kwamagama kumele kutjengise ukwehlukana kwezinga lalabo abakhulumako.
- Isiphetho sendaba asibe sekulumenabo, kuzwakale bonyana seiyaphela.

Amaphuzu alindeleke ngesihlokwesi:

- Umhlobo wephaliswano.
- Igama lesitolo ebesinephaliswano.
- Isizo elizokulethwa yimali oyithumbileko.

Tjheja: Abafundi bangaveza namanye amaphuzu angakavezwa ngehla.

[25]

2.4 IRIVYU

Nakhu okuqakathekileko nakutshwaywa i-irivyu:

- Ibizo lomtlozi wencwadi.
- Isihloko sencwadi.
- Ibizo lekhamphani egadangisileko.
- Umhlobo wejenri.
- Esingenisweni kufanele kwethulwe umlando womuntu orivyuwako nesendlalelo esifitjhani ngencwadi leyo.
- Emzimbeni silindele bona kuvezwe abalingisi/abadlali abaqakathekileko nezehlakalo eziqakathekileko ngobufitjhani.
- Esiphethweni silindele bona umfundi aveze umbonwakhe nofana kube neenqunto neemphakamiso azenzako.
- Iphimbo nesitayela kufanele kuhleleke kuhle.
- Ibizo laloyo orivyuwako.

[25]

2.5 UMBIKO OHLELEKILEKO

Isakhiwo

- Uba nesihloko esitjhoko bona umbiko umayelana nani.
- Uba nesingeniso esihlathulula ngobufitjhani ingemuva nomnqopho wombiko.
- Uba nomuntu othula umbiko.
- Uba nendawo, ilanga nomtlikitlo womuntu othula umbiko.

Umzimba

- Uba nerhubhululo.
- Kulandelwa indlela ethileko yokubuthelela ilwazi.

Okutholakeleko

- Okuphathelene nerhubhululo.

Ilimphakamiso

- Eziphathelene nokutholakeleko.

Isiphetho

- Rhunyeza okutholakeleko neemphakamiso.

Nakhu okhunye okufanele kutjhejwe nakutlolwa umbiko ohlelekileko:

- Amaphuzu kumele abe liqiniso, kungabi mibono.
- Amaphuzu kumele atolwe abe maphoyinti.
- Ilimi elisetjenziswako kumele likhambisane naloyo nanyana labo umbiko oqaliswe kibo (Ilimi elihlelekileko).
- Ukuze umbiko uzwakale kuhle kumele utlolwe ngomuntu wesithathu okukhulunywa ngaye.

[25]

2.6 I-ATHIKILI KAMAGAZINI

Nakhu okuqakathekileko nakutshwaywa i-athikili kamagazini:

- Isihloko kufuze sidose ozosifunda begodu silulubeze.
- I-athikili kumele itlowe ihlukaniswe ngamakholomu. Lokhu kuzokusiza ukobana ingabi nesakhiwo esifana nese-eseyi nofana ibe nesakhiwo sesikhangiso.
- I-athikili kufuze bona ummango womzimbayo ukhambisane nesihloko.
- I-athikili kufuze itjengiswe kuhle begodu nemiqaliswayo/iinthombe zibe zihle ngemibala ekhanyako, edosako nekhambelana nayo.
- Kufuze ikhulume noyifundako begodu ibe sesitayeleni saloyo oyitlolako.
- Isitayela sotlolako singasebenzisa iinthombengqondo, sihlathulule nanyana sibe nezwelo.
- Kufanele itlolwe igama lomuntu oyitlolileko.
- Akuvele imininingwana ephathelene nendawo, isikhathi, ilanga, ubujamo nezinye iinsiza ezimayelana nalokho i-athikili ekhuluma ngakho.
- I-athikili kufuze ivuse ilulubezo njengesikhangiso ikhuthaze abayifundako bona bayifunde.
- Iindima akukafuzi bona zibe zide.
- Amagama asetjenzisweko kufuze kube ngilawo azakwamukeleka.

[25]

IMITLOMELO YESIGABA B:	50
INANI LOKE:	100

ISIGABA A: IRUBHRIKHI YOKUTSHWAYA/YOKUHLOLA INDABA/I-ESEYI YELIMI LEKHAYA [50 IMITLOMELO]**TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

IRUBHRIKHI YOKUHLOLA INDABA YELIMI LEKHAYA [50 AMAMAKSI]

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLOLA (Ukuphendula) Ukuhleleka kwemiqondo yokuhlela. Ukulemuka komnqopho, abamukelilwazi nobujamo. 30 AMAMAKSI	Izinga eliphezulu	28–30	22–24	16–18	10–12	4–6
		- Ukuphendula okudluleleko . - Imiqondo ehlakaniphileko , evusa imiqondo netjengisa ukukhula . - Ukuhleleka okudluleleko nokukhambelana kwesingeniso, umzimba nesiphetho.	- Ukuphendula okuhle khulu . - Kunobufakazi nokukhula kwendaba okubonakalako nokumnandi . - Ukuhleleka okuhle khulu nokukhambelana kwesingeniso, umzimba nesiphetho.	- Ukuphendula okwanelisako . - Imiqondo ekhambelanako nekholisako . - Kunokuhleleka nokukhambelana okulingeneko kwesingeniso, umzimba nesiphetho.	- Ukuphendula okungakajami ndawonye . - Imiqondo engakanqophi . - Ubufakazi obuncani bokuhleleka nokukhambelana kwesingeniso, umzimba nesiphetho.	- Ukuphendula okuphume endleleni khulu . - Imiqondo enganatlha nengazwakaliko . - Imiqondo ebuyabuyelelweko . - Imiqondo engakahleleki nengakhambelaniko .
	Izinga eliphasi	25–27	19–21	13–15	7–9	0–3
		- Ukuphendula okudluleleko kodwana kutlhayela amatshwayo wendaba ehle . - Imiqondo ekhulileko nenokuhlakanipha . - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okuhle . - Imiqondo ekarisako nekhambelanako . - Kunokuhleleka nokukhambelana okuhle kwesingeniso, umzimba nesiphetho.	- Ukuphendula okwanelisako kodwana okunganatlha . - Imiqondo izwakala/ikhambelana ngokulingeneko . - Kunokuhleleka nokukhambelana kwesingeniso, umzimba nesiphetho.	- Ukuphendula okungakhambelaniko nokusezingeni eliphasi . - Imiqondo ayikahlangani begodu ayikanqophi . - Kunokuhleleka okungakhambelani nesingeniso, umzimba nesiphetho.	- Ukuphendula isihloko akukalingwa nokulingwa . - Imiqondo engakhambelaniko nengakafaneli . - Imiqondo enganatlha nengazwakaliko .

IRUBHRIKHI YOKUHLOLA INDABA YELIMI LEKHAYA [50 AMAMAKSI] (iyaraga)

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
ILIMI, ISITAYELA NOKU-EDITHA. Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.	Izinga eliphezulu	14–15	11–12	8–9	5–6	0–3
		<ul style="list-style-type: none"> Iphimbo, irejista, isitayela nelwazimagama elifaneleko nelihle ngokudluleleko, elinemba umnqopho, abamukelilwazi nobujamo. Ukusetjenziswa kwelimi kusezingeni elihle ngokudluleleko. Ihlelo nesipelinghi esinganamphoso khulu (0-2). Kutlanywe kuhle ngokudluleleko. 	<ul style="list-style-type: none"> Iphimbo, irejista, isitayela nelwazimagama elifanele umnqopho, abamukelilwazi nobujamo. Ilimi liyanemba belisetjenziswe kuhle. Ihlelo nesipelinghi akunamphoso khulu, zimbawwa (5-9). Kutlanywe kuhle khulu. 	<ul style="list-style-type: none"> Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. Ukusetjenziswa kwelimi okwethula ihlathululo. Ihlelo nesipelinghi kuneemphoso ezinengi (15-19) Kutlanywe ngokusezingeni elilingeneko. 	<ul style="list-style-type: none"> Iphimbo, irejista, isitayela nelwazimagama elingakafaneli umnqopho, abamukelilwazi nobujamo. Ukusetjenziswa kwelimi okusezingeni eliphasi. Ihlelo nesipelinghi kuneemphoso ezinengi khulukhulu. Kutlanywe ngokusezingeni eliphasi khulukhulu. 	<ul style="list-style-type: none"> Iphimbo, irejista nesitayela ezingakafaneli khulu umnqopho, abamukelilwazi nobujamo. Ilwazimagama elithayela khulu lenza kube budisi ukuzwisisa itheksthi. Ilimi elingazwakaliko. Ihlelo nesipelinghi kuneemphoso ezinengi khulu ngokudluleleko. Kutlanywe ngokusezingeni eliphasi ngokudluleleko.
	Izinga eliphasi	13	10	7	4	
		<ul style="list-style-type: none"> Iphimbo, irejista, isitayela nelwazimagama elifaneleko nelihle elinemba umnqopho, abamukelilwazi nobujamo. Ukusetjenziswa kwelimi kusezingeni elihle khulu. Ihlelo nesipelinghi esinganamphoso ezinengi (3-4). Kutlanywe ngokudluleleko. 	<ul style="list-style-type: none"> Iphimbo, irejista, isitayela nelwazimagama elifanele umnqopho, abamukelilwazi nobujamo. Ilimi liyanemba belisetjenziswe ngokufaneleko. Ihlelo nesipelinghi kuneemphoso ezinengana (10 -14). Kutlanywe kuhle. 	<ul style="list-style-type: none"> Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. Ukusetjenziswa kwelimi okungathuli ihlathululo. Ihlelo nesipelinghi kuneemphoso ezinengi khulu (20 kuya phezulu). Kutlanywe ngokusezingeni eliphasi. 	<ul style="list-style-type: none"> Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo. Ukusetjenziswa kwelimi okungakafaneli. Ihlelo nesipelinghi kuneemphoso ezinengi khulukhulu. Kutlanywe ngokusezingeni eliphasi khulukhulu. 	
ISAKHIWO Amatshwayo wetheksthi. Ukwakhiwa kweengaba nemitjho.		5	4	3	2	0–1
		<ul style="list-style-type: none"> Kuvezwe amatshwayo neminingwana eqakatheke ngokudluleleko ngesakhiwo sendaba. Kunokukhambelana okuhle ngokudluleleko kwendaba. Imitjho neengaba kwakheke ngendlela ehle ngokudluleleko. 	<ul style="list-style-type: none"> Amatshwayo neminingwana evezweko kukhambelana kuhle. Kunokukhambelana okuhle kwendaba. Imitjho neengaba kwakheke ngendlela ehle. 	<ul style="list-style-type: none"> Amatshwayo neminingwana kuvezwe ngokulingeneko. Kunokukhambelana okulingeneko kwendaba. Imitjho neengaba kwakheke ngokulingeneko. Indaba isanikela umqondo. 	<ul style="list-style-type: none"> Amatshwayo neminye iminingwana yesakhiwo sendaba kuvezwe ngokusisekelo. Ukwakheka kwemitjho neengaba kuneemphoso. Indaba isazwakala kancani. 	<ul style="list-style-type: none"> Amatshwayo neminingwana efunekako kuyatlayela. Ukwakhiwa kwemitjho neengaba kuneemphoso ezinengi khulu. Indaba ayinamqondo.

ISITJENGISO SOKWABIWA KWEMITLOMELO:

Km-: (Tlola umtlomelo otholwe mfundi), **L-:** (Tlola umtlomelo otholwe mfundi), **Sk-:** (Tlola umtlomelo otholwe mfundi)

Ilungelo lokukhuphela lifunjethwe

Phendla











ISIGABA B: AMATHEKSTHI WOKUTHINTANA**IRUBHRIKHI YOKUHLOLA AMATHEKSTHI WOKUTHINTANA WELIMI LEKHAYA [25 AMAMAKSI]**




Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHFLELA NESAKHIWO -Ukuphendula nemibono. -Ukubuthelwa nokuhleleka kwemibono. -Umnqopho, abamukelilwazi, amatshwayo/imithetjhwana Kanye nobujamo 15 AMAMAKSI	13–15 - Ukuphendula okudluleleko , okungaphezu kwalokho okulindelweko. - Imiqondo ehlananiphileko nekhulileko . Ilwazi elingeneleleko amatshwayo wetheksthi. - Umtlolo unqophileko. - Kunokukhambelana kokumunyethweko nomqondo . - Isakhiwo sihleleke kuhle ngokudluleleko, yoke imininingwana esekela isihloko iveziwe. - Isakhiwo esifaneleko nesinembako .	10–12 - Ukuphendula okuhle okutjengisa ilwazi elihle amatshwayo wetheksthi. - Umtlolo unqophile, awukaphumi esihlokweni begodu usekelwe kule ngendlela enobukghoni. - Kunemininingwana esekela isihloko. - Isakhiwo esifaneleko kodwana esinokungakhambelaniko okuncazana .	7–9 - Ukuphendula okulingeneko okutjengisa ilwazi amatshwayo wetheksthi. - Akunakudzimelela nokukhambelana okulingeneko kokumunyethweko nemiqondo. - Eminye imininingwana esekela isihloko iveziwe . - Isakhiwo sifanele ngokulingeneko kodwana kunokungakhambelani .	4–6 - Ukuphendula ngokusisekelo okutjengisa ilwazi amatshwayo wetheksthi. - Kunokunqophla okukhona kodwana okunengi kuphambene nesihloko . - Imininingwana esekela isihloko imbalwa . - Kunobutjhapha obukhona obubonakalako emithethweni nematshwayweni wesakhiwo.	0–3 - Ukuphendula kutjengisa ukungabi khona kwelwazi amatshwayo wetheksthi. - Akunakukhambelana kwemiqondo. - Imininingwana esekela isihloko imbalwa khulukhulu . - Akakasebenzisi amatshwayo nemithetho yesakhiwo.
ILIMI, ISITAYELA KANYE NOKU-EDITHA -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi kanye nemithetjhwana. -Ukukhethwa kwamagama. -Ukusetjenziswa kwamatshwayo wokutlola nesipelingi. 10 AMAMAKSI	9–10 - Iphimbo, irejista, isitayela nelwazimagama kuwufanele kule khulu umnqopho, abamukelilwazi nobujamo. - Ihlelo lisetjenziswe ngokunembako belihleleke kule khulu . - Kuneemphoso ezincani khulu . - 0-2 yeemphoso Tlomelisa=10 - 3-4 yeemphoso Tlomelisa=9	7–8 - Iphimbo, irejista, isitayela nelwazimagama kuwufanele kule umnqopho, abamukelilwazi nobujamo. - Ihlelo lisetjenziswe ngokunembako belihleleke kule . - Akunamphoso ezinengi . - 5-10 yeemphoso Tlomelisa=8 - 10-11 yeemphoso Tlomelisa=7	5–6 - Iphimbo, irejista, isitayela nelwazimagama kuwufanele ngokulingeneko umnqopho, abamukelilwazi nobujamo. - Kuneemphoso zehlelo kodwana azilimazi ihlathululo . - 12-15 yeemphoso Tlomelisa=6	3–4 - Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. - Kuneemphoso zehlelo ezenza bona ihlathululo ingazwakali . - 20 ukuya phezulu Tlomelisa 3 nofana 4	0–2 - Iphimbo, irejista, isitayela nelwazimagama akukhambelani nomnqopho, abamukelilwazi nobujamo. - Kuneemphoso ezinengi khulu ezenza bona ihlathululo ingazwakali nakancani .

ISITJENGISO SOKWABIWA KWEMITLOMELO:**Km-/Sk-: (Tlola umtlomelo otholwe mfundi)****L-: (Tlola umtlomelo otholwe mfundi)**

AMATSHWAYO OKUMELE ASETJENZISWE BOTITJHERE NABATSHWAYAKO**IGREYIDI 10-12**

Itshwayo	Ihlathululo	Itshwayo elikhambelanako ethekstini	Isibonelo setshwayo elisetjenzisiweko	Lapha kulungiswe khona
?	Faka itshwayo likanobuza	h	?	
!	Faka itshwayo lokubabaza	h	!	
/-/	Faka u-dwi/ihayifeni	h	/-/	
9	Susa bese uyalivala(igama)	/	Kwa/Mhlanga	KwaMhlanga
#	Hlukanisa amagama	#	...ebesakhelene nabo	...ebe sakhelene nabo
9	Susa(Tlola phezu kweledere/kwegama elisuswako)	Susa igameli	Umma ukhamba uyakhamba ngekoloyi	Umma ukhamba ngekoloyi
stet	Tjhiya njengombana kunjalo/Lisa(umtlo)njengombana unjalo	...ngaphasi kwamaledere/igama olisule ngephoso	Ubaba ukhamba nomma	Ubaba <u>ukhamba</u> nomma

Gabh	Tlola igabhadlhela	≡....ngaphasi kweledere lelo/igama elifuze litlolwe ngegabhadlhela	<u>U</u> nomzana Mahlangu	uNomzana Mahlangu
L.nc	Tlola ngeledere elincani	≡...ngaphasi kweledere lelo/igama elifuze litlolwe ngamagama amancani	...ngi <u>Z</u> okukhamba	...ngizokukhamba
	Vala bese ususa isikhala hlangana namaledere	Hlanganisa amaledere	Emthola  pilo	Emtholapilo
s.e	Thoma isigaba esitjha	Isib: sele kumele athome isigaba esilandelako.	...kwabo.  Abesana...	..kwabo. Abesana.....
	Faka iledere/igama elitjengwise emajinini		Umma uyak  huphula	Umma uyakghuphula
	Faka ungci		Abesana bebagula	Abesana bebagula.
	Faka ikhoma		Ubaba uthenge iimbuzi iinkomo nezinja.	Ubaba uthenge iinkomo, iimbuzi nezinja.

sp	Thalela igama elingatloleki kuhle bese utlola sp ngaphezulu	sp	...ngitluwile	... <u>ngitluwile</u>
sv	Thalela igama elinesivumelwano esingakafaneli besi utlola sv ngaphezulu	sv	Ikomo <u>zakhe</u>	Ikomo <u>yakhe</u>
ibu	Thalela okubuyelelweko bese utlola ibu ngaphezulu	ibu		
mhl	Thalela umutjho ongakahleleki kuhle bese utlola mhl ngaphezulu	mhl		
hl	Thalela isihlanganiso esingakasetjenziswa kuhle bese utlola hl ngaphezulu	hl		
	Igama elingakaqunteki kuhle		<u>tu</u>	Umun- 
	Umqondo oquntweko endimeni			
I	Thalela ilimi elingamukelekiko bese utlola I ngaphezulu	I		